

آبونه شرائطی

ممالك عثمانیه ده سنه لکی (۶۵)، آلی
ایلی (۲۵) غروشدور .
ممالك اجنیه ده سنه لکی (۱۷)، آلی
ایلی (۹) قرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدلین یازیلرا حاده
اولونماز .

المجله

۱۳۳۰

دینی، فلسفی، علمی، ادبی هفته لقی مجموعه اسلامیه در .

صاحب و مدیر مسئول
اشرف ادیب

باش محرر
محمد طاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۱۷

۲۱ محرم ۱۳۳۳

پنجشنبه

۲۷ تشرين ثانی ۱۳۳۰

جلد ۱۳

اخطارات

رساله مزدن آلتدینی کوسترملک شرطیه
بتون یازیلر هر هانکی برغز تهر قندن
اقتباس اولونه بیلیر .

§

مکتوبلرک، امضالری واضح و اونا قوولی
اولسی و آبونه صره نومروسنی هتوی
بولونسی لازمدر .

§

ممالك اجنیه ایچون آبونه اولانلرک
آدرس لرینک فرالسزجه ده یازلسی رجا
اولنور .

§

پاره کوندرلدیکی زمان ته یه دائر اولدیغناک
واضحاً بیلدیرلسی رجا اولنور .

بر وضعیت ایله قونفرانس ویردیلر . لسان عربی ایله ایراد بویورولان بوقونفرانس حزب الوطنی محررلرندن رفیق محمدمرزسا بك طرفندن ترکیه ترجه ایدیلدی . جماعت طرفندن بك جوق آلفیشلره مظهر اولان بومهم قونفرانسك نقاط اساسیه سنك بوتور اخوان دینه تبلیغی متحتم بر وظیفه در :

•••

« بوراده قونفرانس ویرمکه شرفیاب اولمهم ایچون وقوع بولان دعوتدن طولانی مدافعه ملیه جسیته تشکر ایدرم . فقط لسان تورکی ایله سوبله به مدیکمدن متأسفم . چونکه انگلیز بولسانی مصرده تعامفی اختیاری قلمق و امتحانلرده نظر اعتباره آلامق ایله اولدردیلم . عینی زمانده حاضر ونك اکثریتی لسان عربی بی مکتبلرده سنه لرجه تحصیل ایتدکارینه رغماً سوزلری ا کلابه به جقلرندن متأسفم . فرانسه ترجه سوبلکلیکم ممکن ایهده ، بزمه محاربه ایدن بر اسلام دشمنی لسانك بومبجل اجتماعده واسطه تبلیغ اتخاذینه وجدانم راضی اولمایور . بناء علیه لغت قرآن اولان وبتون ملل اسلامیة نك لغت رسمیه سی اولمق ایجاب ایدن لغت عربیه بی ترجیح ایدیورم .

بحث ایدم جکم موضوع بتون مسلمانلره شامل اولدیغندن وانك نقطه نظرنده هیچ بر عنصر و قومیت آره سنده بر فرق اولمیدیغندن بر مصرلی صفتیه ده کل ، بر مسلمان صفتیه اداره کلام ایدم جکم . شونی ده علاوه ایدم که « اتحاد اسلام » حقنه ، اوهر مسلمانك دیگر مسلمانان قارشى هانکی عرقه ، هاییکی ملتیه منسوب هانکی لسان ایله متکلم اولورسه اولسون ، حسن ایتدیکی علوی احتیساسه دائر بعضی بیاناتده بولونه جقسم و بویاتانم اسلام مملکتلرنده ، باخصوص افریقای شمالیه ، طرابلس ، تونس ، جزائر و قاسده اجرا ایتدیکم متعدد سیاحتلرده رأى العین اولان مشاهدات و احتیساساته مستددر . بن هر نویه کیتدمسه کندی عاداتا عاتلم ، قرداشلرم و آرقداشلرم آره سنده کوردم . سانکه مملکتمدن اوزاقلاشامشم . هر یرده اوزون بر سفردن عودت ایدن بر قردهش کی استقبال ایدیورم ایدم .

فی الواقع اسلام مملکتلری کز مهنلر هر زرده اولورسه اولسون مسلمانلری بر لرینه جذب ایدن بوقوتدن خبر دار اوله مالز . باخصوص دار الخلافیه قارشى بسله ن احتیساسات عالییه بی الحق او اوزاق اسلام یوردلری زیارت ایدنلر بیلرلر و تقدیر ایدرلر .

جزائر اولان سیاحتلرمک بر پشده قبائل طاغلرنده کشت و کذاره جیقمش ، بو طاغلرک تپه سنده تأیس ایدیلن بر قریه اوشرامش ایدم . بوکویک اهالیسی نه کورور کورمز ، مصرلی بر دینداشلری نك کندیلری زیارت ایچون کلدیکنه واقف اولور اولماز همان استقباله قوشمش ، کمال صفوت و صمیمیتله تبرکات الربی اویمکه باشلامشلردی . بکا قارشى بودرجه متحتم اولان او قرداشلرک

صوکره عاقبتکزه نه اولدی کوردیکز . اوت کوردیکز که : اهل صلیب سنز کوله لر حالته صوقدی ، قاش تداول ایدر کی سنز چو یروب اویردی ، حیوان کی سنز تسخیر ایتدی . کوردیکز که : پادشاهلر کزی نصل محو ایتدیلر ، مملکتلر کزی نصل چکنه دیلم . اشراف کزی نصل قهر ایتدیلر ، محرملر کزی نصل مباح قیلدیلر . کوردیکز که : سنزک مقدراتکزه نصل حاکم اولدیلر ، اسلافکزک متروکاته نصل قوندیلر ! ایشته بوکون الله سنز قدرت بخش ایتدی ، اونلرک بوبونلری سنزک الارکزه کچیردی ؛ صاقین بر اقامیه سکز . الله اونلرک مزارلری حاضر لادی ، صاقین کوممده ن قاجرمایه سکز . هر طرفدن اونلره هجوم ایدیکز ! بوتون دنیایی آتلیکزه ، عسکرلرکزه طولورورکز . بومبارله قیامتلی قویاریکز . قلنجلره اوکافرلری طوغرایکز ، هر طرفده بوصول قورورکز . صوکره اونلری زرده بولورسه کز محاصره ایدیکز . طویلرکزک آتشنه قارشى اونلری اودون کسکن قلنجلرکزه وجودلری قین یاییکز .

ایشته امیر المؤمنین ، خلیفه رسول رب العالمینک فرمان هابونلری بودر : جهاد ، دائماً جهاد . جناب حق شهیدلرکزه جنت ، صاغ قالانلرکزه نصره ، عزت و وعد بویوردی .

(فقساتلورم یعد بهم الله بایدیکم و یخزهم و ینصرکم هلیم و یشف صدور قوم مؤمنین و یذهب غیظ قلوبهم . = سنز اونلره قتال ایدیکز که الله اونلری سنزک الارکزه تعذیب ایلسون ، اونلری حجیل و سنز اونلره منصور ایتسون ، مؤمن اولان مسلمانلرکده صدرلرینه شفا و یرره رک قلبلرنده کی غیظی کیدرسون .) (ان الله اشترى من المؤمنین انفسهم و اموالهم بان لهم الجنة یقاتلون فی سبیل الله فیقتلون و یقتلون و وعداً علیه حقاً فی التوراة و الانجیل و القرآن و من اوفی بعهده من الله فاستبشروا بیعکم الذی بايعتم به و ذلك هو الفوز العظيم . = الله مؤمنلردن کندیلرینه جنتی احسان ایتک اوزره نفسلری و ماللری صاتین آلمشدر . او مؤمنلر که الله یولنده جهاد ایدرلر ، اولدورورلر . شهید اولورلر ؛ الله اوزرنده تورانده ، انجیلده ، قرآنده بیان ایدیش بر وعد حقددر . عجبا الله یهن زیاده و عیدیه و فایدن کیم وارد ؟ اوله ایه کیریشدیکز بو آلیش و یریش ایله مزده لکیز . فوز عظیم ایشته بودر .

اتحاد اسلام

جمعه کیجه سی تپه باشی تیار و سنده الك بیوک مجاهدین اسلامیة دن مصر حزب الوطنی رئیس محترمی محمد فرید بك افندی حضرتلری « اتحاد اسلام » حقنده مهم بر قونفرانس ویرمشلردر . تیار و لبالب طولو ایدی . قونفرانسه ساعت سکز بچقده باشلاندى . فرید بك افندی حاضر ون طرفندن حار و سوره کلی آلفیشلر ایله استقبال ایدیلدی . فرید بك افندی بلیغ بر لسان ، سلیس بر افاده ، سربست

دار الخلافه نك مثلاً بر مبعوثه قارشى نه درجه متحسسه اوله جقار ينك تقدیرى ذات طالب كره بر اقبورم . بدیهه دركه بومسلمانلر خلیفه معظمه نك جهاد اكبر حقنه كى دعوتى ایشیدیر ایشتمز در حال سلاحه صاريله جقار ووظیفه لرى ایفا ایدیه جکدر در . سنه لرحه اونلری نیجه ظلم واسارتنده ایكله تن فرانسزلرده اك آجی انتقامك نأثره دهشته هدف وجزای سزاسنه نائل اوله جقاردر .

ینه جزائر اهالیسندن بعضیلری بو حکایه یی آکلتمش ایدیلر : وقیله حمیده زرهللیسی المانیانك « کیل » قنالک رسم کشاد احتفالنده بولنق ایچون بحرسفیدی قطع ایدیورکن جزائر لیمانی قارشیدسندن لکر انداز اولور . هالاک سابه نوارینه صیغینان بوقهرمان سفینه یی کورن حیتلی و متحسسه جزائر لیلر همان فوج فوج حمیده یی زیارتیه شتابان اولورلر ، یوقاری یه چیه مایانلرده یوزنی کوزنی زهرلره سوردرلر . فرانسه حکومتی بو حالی کورور کورمز همان حمیده نك سیرما حرکت ایتیمی ایچون کومورینی ویرمش ، مذکور سفینه ده چابوق حرکت ایتیمکه مضطر قالمش ایدی .

ظن ایدرم ینه عینی قراووزورک بالقان حربی انسانسندن مصر لیمانلرنده کوردیکی فوق العاده تکریمات والقیشلر خاطر عالیلر کزده در .

اسلامیتك وحدت اولاسندن صکره دوچار تفرقه اولمسنك باشلیجه سببی اسلام مملکتلرینك مقام خلافتدن اوزاقلنی ایدی . ایشته بو ، برطاقم والیرك احتراصلرینی علولندیرمکه ، استقلاللرینی اعلان ایتلرینه بادی اولدی . برده علی الاکثر مقام خلافتك والیردن ویرکولری طوبیلامق ایله اکتفا ایتیمی ، ولایتلرک احوال داخله سنی ، والیرك ایقاع ایتدکلی شورشلری ، قومشو ولایتلر ایله احداث ایتدکلی محارباتی نظر اعتباره آلامسی ، بونلره قارشى لاقید قالمسی بر جوق مستقل خاندانك ظهورینه سببت ویردی . از جمله مصرده اخشیدیلر ، ایرانده صفویلر ، تونسده اغلیلر ، اندلسده امویلر وسائر کبی که بونلر تاریخده مفصلاً مسطوردر . فقط عصر حاضرده اتحاد اسلامی معنای حقیقیسیله اساسلاندیرمق : ممالک اسلامییه آره سنده مواصلات بریه و بحریه نك تسهیل وتأمینه ، یعنی دمیربوللرک انشاسنه وتا اقصای چیندن اقصای مغربه قدر بوتون اسلام لیمانلرینی بربرینه ربط ایدیه جک اسلام سیر سفائن شرکتلرینك تشکیلنه ، بتون اسلام مملکتلری آره سنده برکمرک اتحادی عقیده ، اسلام مملکتلری معمولاتنك اورویا معمولاتنه ترجیحنه ، الحاصل عصر حاضرده روابط دینییه دن صکره اك قوی رابطه اتحاد اولان روابط اقتصادیه نك تأییدینه وابسته درکه بونلرک هبسی - تام المانلرک یایدینی کبی - اتحاد عمومی اسلامیتك مقدمه سیدر .

بن امینم که بر اسلام سیر سفائن شرکتی موجود اولسه ، یاخود موجود اولان عثمانی سیر سفائن شرکتی توسیع نطاق ایدیه رک بتون اسلام

لیمانلرینه واپورلرینی سوق ایتسه هر حایه مسلمانلر اونك واپورلرینی اجرتی ده ا بهالی اولسه ده بتون اجنبی شرکتلرینه ترجیح ایدیه جکدردر .

اك مهم مسأله لردن بریسی ده حج شریف مسأله سیدر . حج اساساً مسلمانلرک طائیشملری و برمکانده اجتماعلرنده مسائل اجتماعیه ، تجاریه وسیاسیه لری حقنه مبادلته افکار ایتلری ایچون وضع اولمشدر . فقط مع الاسف بومقصد اساسی اهمال اولندی وحج برطاقم مناسکی ادا ایتیمکه منحصر قالدی . حق جل وعلا نك حج شریفی ارکان خمسۀ اسلامییه دن قیلمسندن کی حکمت الیه که تعارف ، تبادل منافع و ذکرا لله در - اهمال ایددی . بونکچون ارباب حل وعقدك نظر عالیه سی ؛ مسلمانلره حجك حکمتی اوکره ته جک ، هر خصوصه انلری تنویر ایدیه جک اسلام لسانلرینه آشنا و اعظ و خطیبلرک ارض مبارکه حجازه اعزام اولومسی ، موسم حجده حجاجه بجافاً طاغیدلق اوزره ترکجه ، عربجه ، فارسی ، اردو ، مالای کبی مسلمانلرک اك مشهور لسانلرله بیاننامه لر ، رسالهلر یازلمسی ، توزیع ایدلمسی مسأله لرینه جلب ایدرم .

ظن عاجزانه بجه دار الخلافه الملیه مدرسه سنده مذکور لسانلری تعلیم ایدیه جک بر شمه نك کشادی يك موافق اولور . چونکه بوسایه ده مسلمانلری بربرینه طانتدیرمق ، رابطه اتحاد اسلامی تقویه ایتیمک وظیفه سی کبی بیوک وعلوی وظیفه لری ایفا ایدیه بیله جک ادملرمز یتشمش اولور .

بز ، خرسیتیان ملتلی کبی دیخیزی اقوام سائر آره سنده نشر ایدیه جک میسیونر جمعیتلرندن زیاده مسلمانلری بربرینه طانتدیرمق ونتیجه ده اتحاد سیاسی اسلامی یی يك یقین بر زمانده فعلاً تأسیس ایتیمک ایستیورز .

اتحاد اسلامك معنای قدسیسنی ؛ اجنبی بویوندور غنك مرارتی طائانلر ، ظالم ملل خرسیتیانیه نك مسلمانلری دار الخلافه دن تفریق ایچون اوینادقلری روللری بیللر ، غربلی معلملرک اطفال اسلامك ذهنلرینی نعل زهرله دکلرینی ، انلری دولت علیه دن تنفیر ایچون نه هذیانلر قوسدقلرینی کورنلر ، میسیونرلرک اسارت التنده ایكله یی اسلام مملکتلرندن نه ملعتلر ارتکاب ایتدکلی مشاهده ایدیه نلر ... آنجق ادراک ایدرلر . فقط وارسون اونلر بزى مقام خلافتدن تفریق ، دولت علیه دن تنفیر ایچون نه یایارلر سه یاپسونلر ، کوندن کونه بزم قایلریمز اونك محبتیه ده ا فضل طولار .

بزم دولت علیه ده اولان مربوطیتیمز ، انکلیز اشغال عسکر یسندن صکره بودرجیه واردی . کذلک عینی حس بتون شمالی افریقاده ، حق بر زمانلر خلافتی بیله اعتراف ایتیمک ایسته مه یی قاسیلر آره سنده ، فرانسه لرک پای حقارتلری التنده از یلد کدن صکره ، طوغدی . چونکه

کسیلمش ، قوللری ، ایاقلری دوفرانمش اختیارلری ؛ قاریلری یارلمش قادیلری اونوتما... اگر اونوتورسهک - بیلکه - معناً اولمشسک . ای بنم مسلمان قرده شلرم... نفسکزه اعتماد ، اللهکزه استناد ایدرهک جهاد ایدیکز... بوکون : نجات کونی ؛ فرح کونیدر... بویمزدهکی زنجیرلری قبرمق زمانی آرتق حلول ایتشدیر . کفار حاکمیتی آلتیده یشامق ، اسلاملر ایچون ذلدر... م . و . و .

تاریخ

قفقاسیا : جهاد اسلام

چوروخ منطقه سندهکی قطعات ۱۹ تهرین ثانی ده یکی بر موفقیت احراز ایله چوروخ نهرینک اون بش کیلو مترو شرقندهکی آردانوش قصبه سی اشغال ایتشلردر . ۲۱ تهرین ثانی ده : شمال استقامتنده آچارابه قدر صوقولورق باطومک شرقنه وارمشلر شرق استقامتنده ایسه اردهان جوارینه قدرکشلردر . اردهان قربنده بر محاربه واقع اولورق قطعات بر چوق سلاح وبر ماکنهلی تفنگ ضبط ایتشلردر . روسلر اردهان طوغری فرار ایله مشلردر . (۲۳) ده : باطومک یکریمی کیلو مترو شرقندهکی بویوچک بر محل اولان (کدا) موقعی اشغال ایتشلردر . باطوم شهرینک الکتریک مؤسبائی قطعاتک جرأتکارانه بر صولتیه تخریب ایدلشدیر . بو اناده بر قاج اسیرده آلتشدیر . طرفزدن اشغال اولونان برکوپرینک استردادای مقصدیه باطومدن کوندربان اوج یوز نفر قوتندهکی بر روس مفرزه سی پوصویه اوغرا دیله رق تمامیه خاک هلاکه سریلشدیر . ۲۴ تهرین ثانی ده آچارا منطقه سنده یکیدن بزم ایچون مظفریتله تنوج ایدن اوفقی تفنگ محاربات واقع اولشدیر . دشمن بر طوط غائب ایتش ؛ المزه بر چوق بومبا ، اسلحه وجیجانه کچمشدر . بو محارباتده روسلرک بزه قارشى دوم دوم قورشونی استعمال ایتدکلری آکلاشلشدیر . وان کولنک شرقنده عثمانلی حدودی اوزرنده روس قطعاتک تعرضاتی نتیجه سز قالمشدر . بوکا مقابل رواندیزدن مظفرانه ایلروین قطعاتن حدودک یتش کیلو مترو اوبر طرفنده بولان و آذربایجانده روسلرک مهم نقاط استنادیه سندن بری اولان صاوج بلاغی تحت اشغاله آلمشدر . ۲۵ تهرین ثانی ده : چوروخ منطقه سندهکی عثمانلی مفرزه لری ایوم پورچه مارادیتله ماجبال و آچاره صولرینک آره سندهکی صیرت و یکیدلری اشغال و دشمنک یوقاری و آشاغی آچاره ایله اولان ارتباطی قطع ایتشدیر . روسلر اشبو دره آره سنده کائن بر تپه ده محصور قالان عسکرلینه امداد کوندرمک ایچون خیل اوغرا شمشلر ایسه ده موفق اولمدقدن ماهداسوق ایده ییلدکلری قوه امدادیه دن بر سواری بلوکفی قطعاتن کاملاً محو ایتش ، پیاده سنی ده فوق العاده ضایعاته اوغرا شمشدر . آرتوین قولندهکی قوتلی عثمانلی مفرزه لری شاواشقی اشغال واردانوجدن ایلروین مفرزه لری ایسه لاشان قریه سنی ضبط ایتدکلری کبی دیگر بر عثمانلی قولی ده صاراطوره یه واصل اولشدیر .

بصره :

۲۲ تهرین ثانی ده : انکلیز اخراج قطعاتی (دجله) نهری ایله (سوايه) قنالی آره سنده بر موضعده بولونان قطعاتنزه تعرض ایتیه تشبث ایتش ، واقع اولان محاربه ده دشمنه تلفات کلیه ویردیرلرک مغلوب ایدلشدیر . قطعاتن بر ماکنه لی توفنگ ، کلیتی جیخانه اهتمام ایتشدیر .

هندستان :

حیدر آبادده اغتشاش — حیدر آبادده اغتشاش ظهور ایتش ، بو

فرانسزلر خلیفه ک نام معظمی جمعه نمازنده ذکر ایتدیرمه یه باشلادیلر ، نمازلرنده حاکم عادلده دعا ایتدکه مجبور ایدلیدیلر . حقیقت ، « بعضاً مضرت فائده بخشدر » دین بک طوغرو سولیش . چونکه اگر بز بوظلمی ، بووحشی کورمه مش اولسه یدک ، بوکون حسن ایتدیکمز ، معظم نتیجه لرینی کوردیکمز و یارین بوتون مسلمانلرک سیاسی اتحادینی ده تأسیس ایدمک اولان بومقدس حسی دویمه جتدی .

جناب حق بوحس علوی بی تقدیس ایتسون . بزى ایریلقدن صکره طویلاتق ایله مسعود ایتسون . آرتق یکن کچمشدر ، جناب الله مشمشع آتیزی یاقینلاشدرسین . بوتون مسلمانلق عالمی شلندیرسین آمین

ندای جهاد

— عالم اسلامه —

مسلمان قهرمانلری ! . . . قالفکز ! . . . ییلدیرملر ، ینار طاغیرلری آتشلر بوسکورم ! . . . قاصبرغیرلر ، فیرطینه لرکی دهشت صاجه لم ! . . . سیل کی آقلم ! . . . دالغه لرکی جوشالم ! . . . جهان زلزله لر ، رعشه لر ویره لم ! . . . شوکت اسلامیه آفاقی طوتسون ! . . . مقدس بایراغمز شانلر ایچنده دالغه لانسون ! . . . جان ویره لم ، شان آلام ! . . . دشمنلرک تحت اسارتنده ذلیلانه یشامقدنسه ؛ ملک الموتک مشفق قنادلری آلتنده مسترحانه و شرفله اولمک برسمادندر . . . قالفکز ، قرده شلرم ؛ قالفکز ! صلاح الدینلرک ؛ طارقلرک ، اسلامیتک شانی اعلا ایدن مجاهدلرک روحلری شاد ایدم ! . . . اسلامیتک شان و شرفی ییلدیزلره قدر یوکسلده لم ! . . . مسلمانلرک ا سارتنه ماتم طوتان سوکیلی هلالک محزون یوزی کولسون ! . . . قالفکز ! . . . دشمن آیاقلری آلتنده ذلیلانه چیکنه ن مقسار شهدا فریاد ایدیور ! . . . مزارلر ، تابوتلر ، قالی کیکلر هپسی حایقربور ! . . . موسقوفلرک ، انکلیزلرک ، فرانسزلرک ظلمنه ، حقارتلرینه دهانه زمانه قدر تحمل ایده چیکز ! . . . ظلم ، حقه تعرض اک عاجز ، قورقاق حیوانلری بیله آرسلاندن شجیع ، قیلاندن ده جرأتکار قیلار ! . . . شهدا حرمتنه قالفکز ! . . . موسقوف سونکولری آلتنده پارچه لنان مسلمان قرده شلرکیزک ، باطوم قهرمانلرینک روح معصومی سزدن انتقام بکیور ! . . . زواللی آفریقا ، بدبخت روم ایلی شهداسنک کفنلری هنوز صولمادی ! . . . امداد و خلاص بکله یین بومبارک قطعه لر برسکون حزن ایچنده ، هلاله متحسر ، حزین ، کرمان ایرماقلری ، فریاد کار قوشلریله ماتم طوتیور ! . . . دول قالمش قادینلر ، یتیم چوجقلر ، اختیار ننه لر حالا آغلا یور ! . . . اونوتما ! . . . الله عشقکه اونوتما ! . . . جامعلره آصلمش منحوس چاکلرک مششوم سسلری سماده ملیکاری ، اجدادمنزک روح پاکنی بزار ایدیور ! . . . منارلره بتلر طاقلمش ! . . . قفقاسیه ک یشیل اووالری یوز بیکارجه شهدای مسلمین ایله دولو ! . . . پارچه لانش چوجقلری ، قفالری